

STATUTI  
I SHOQERISË ME PËRGJEGJËSI TË KUFIZUAR  
“X-Studio”

KREU I

Themelimi, Emri, Objekti, Kohëzgjatja, Selia

Neni 1

Data e Themelimit, Emri, dhe Themeluesit

1.1 Sot, më 03 /06/ 2022, ne, themeluesit, kemi krijuar një shoqëri me përgjegjësi të kufizuar me emrin: “X-Studio” SH.P.K.

1.2 Themeluesi i shoqërisë është:

- a) Z. **Gjergji Prendi**, lindur në Tiranë, Shqipëri, më 02 Nëntor 1990, mbajtës i ID nr. 035390066, banues në: Rr: “Adem Jashari”, Pall. 1, shk.1, ap.7, Tiranë dhe me adresë e-mail për efekt njoftimi sipas këtij dokumenti: [g@x-identity.com](mailto:g@x-identity.com), me zotësi të plotë për të vepruar.

Neni 2

Objekti

2.1 Objekti i veprimtarisë së Shoqërisë konsiston kryesisht në:

1. *Krijimi, mbajtja dhe mirembajtja e Faqeve te internetit, eCommerce, Software menaxhimi, Aplikacione Web PC/Mobile, CMS, CRM, ERP.*
2. *Krijimi dhe mirembajtja e rrjeteve informatike dhe aplikimeve te ndryshme.*
3. *Brand Consultancy si dhe krijimi i logove, posterave, broshurave, spoteve publicitare dhe cdo gje tjeter qe te perfshije konceptimin, realizimin, promovimin, prodhimin dhe shitjen e tyre ne median Televizive, te shkruar dhe ate elektronike.*
4. *Veprimtari per zhvillim, mirembajtje, te shitjes se zgjidhjeve software-ike per teknologjine e informacionit, per ofrimin e pajisjeve fiskale dhe sherbime te telekomunikacionit.*



5. *Kryerja e aktiviteteve te ndryshme qe kane lidhje me perpunimin dhe perfeksionimin e ketyre sherbimeve qe konsiston ne marketingun per prezantimin, promovimin dhe shitjen e tyre, organizimin e trajnimeve per personat apo kompanite qe do te shfrytezojne keto sherbime etj.*
6. *Dhënie ambientesh me qera. Vënie në dispozicion të ambjenteve për zhvillimin e aktivitetit tregtar në fushën e teknologjisë; Cooworking-space; Administrim i qerave*

2.2 Objekti i Shoqërisë mund të ndryshohet ose të shtohet me vendim të Asamblesë së Ortakëve.

### **Neni 3**

#### **Kohëzgjatja**

- 3.1 Aktiviteti i Shoqërisë do të fillojë pas regjistrimit në Regjistrin Tregtar në Qëndrën Kombëtare të Biznesit.
- 3.2 Shoqëria krijohet për një afat të pacaktuar.

### **Neni 4**

#### **Selia e Shoqërisë**

- 4.1 Selia e Shoqërisë është Rruga "Ibrahim Rugova", Kullat "Green Park", Kati 3, Tiranë, Shqipëri.
- 4.2 Shoqëria mund të hapë degë, shoqëri bija, zyra përfaqësimi, brenda territorit të Republikës së Shqipërisë ose në vende të tjera.
- 4.3 Shoqëria është e aftë të bëjë pjesë në shoqëri të tjera shqipëtare ekzistuese ose në të ardhmen në Republikën e Shqipërisë ose në vende të tjera.

### **Neni 5**

#### **Forma**

- 5.1 Themeluesit kanë themeluar një Shoqëri me Përgjegjësi të Kufizuar në përputhje me legjislacionin tregtar në fuqi në Republikën e Shqipërisë.
- 5.2 Shoqëria mund të shndërrohet në një formë tjetër në përputhje me legjislacionin shqiptar.

### **Neni 6**

#### **Baza Ligjore**

- 6.1 Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.
- 6.2 Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqërite tregtare", Kodit Civil dhe çfarëdo ligji tjetër specifik në Republikën e Shqipërisë.

#### Neni 7

##### Vula

- 7.1 Shoqëria do të ketë vulën e vetë. Administratori do të përdorë vulën.
- 7.2 Të gjitha dokumentet e Shoqërisë duhet të shoqërohen nga vula.

### KREU II

#### Kapitali

#### Neni 8

##### Kapitali i Shoqërisë

- 8.1 Kapitali themeltar fillestar i Shoqërisë është 10.000 (dhjetë mijë) Lekë.
- 8.2 Kapitali i Shoqërisë është i ndarë në 1 (një) kuotë.
- 8.3 Pjesmarrja e themeluesve në kapitalin e Shoqërisë është në përputhje me kontributet e tyre si më poshtë:
- Ortaku themelues: **Gjergji Prendi** – zotëron 1(një) kuotë, me vlerë të përgjithsme 10.000 (dhjetë mijë) Lekë, që përbën 100% (njëqind për qind) të kapitalit themeltar të Shoërisë.

-

#### Neni 9

##### Transferimi i Kapitalit

- 9.1 Kuotat e kapitalit themeltar të Shoqërisë mund të fitohen apo kalohen nëprmet:
- a) kontributit në kapitalin e shoqërisë;
  - b) shitblerjes;
  - c) trashëgimisë;
  - ç) dhurimit;
  - d) çdo mënyre tjetër të parashikuar me ligj.

- 9.2 Për transferimin e kuotave kërohet miratimi i mëparshëm i shoqërisë. Ortaku që dëshiron të transferojë kuotën dhe/ose të drejtat e tij, duhet t'i propozojë shitjen më parë ortakëve të tjerë të shoqërisë në të njëjtat kushte.

## **Neni 10**

### **Rritja e Kapitalit**

- 10.1 Asambleja e Ortakëve mund të vendosë unanimisht për rritjen e kapitalit.
- 10.2 Rritja e kapitalit mund të bëhet edhe nëpërmjet nënshkrimit të kuotave të reja të kapitalit nga ose ortakët e rinj. Ortakët e rinj do të pranohen dhe miratohen si të tillë me vendim të Asamblesë së Ortakëve.
- 10.3 Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.

## **Neni 11**

### **Zvogëlimi i Kapitalit**

- 11.1 Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.
- 11.2 Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

## **KREU III**

### **Organet Vendimmrëse dhe Drejtuese**

## **Neni 12**

### **Organi Vendimmrës**

- 12.1 Asambleja e Ortakëve është organi i vetëm vendimmarrës i Shoqërisë.
- 12.2 Asambleja e Ortakëve është organi i vetëm vendimmarrës i Shoqërisë që miraton çdo ndryshim të statutit sipas modaliteteve të përcaktuara në ligj.

- 12.3 Asambleja e përgjithshme e ortakeve është përgjegjëse për marrjen e vendimeve për Shoqërinë për çështjet e mëposhtme:
- a) përcaktimin e politikave tregtare të shoqërisë;
  - b) ndryshimet e statutit;
  - c) emërimin e shkarkimin e administratorëve;
  - ç) emërimin e shkarkimin i likuiduesve dhe të ekspertëve kontabël të autorizuar;
  - d) përcaktimin e shpërblimeve për personat e përmendur në shkronjat “c” dhe “ç” të kësaj pike;
  - dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
  - e) miratimin e pasqyrave financiare vjetore dhe të raporteve të ecurisë së veprimtarisë;
  - ë) zmadhimin dhe zvogëlimin e kapitalit;
  - f) pjesëtimin e kuotave dhe anulimin e tyre;
  - g) përfaqësimin e shoqërisë në gjykatë dhe në procedimet e tjera ndaj administratorëve;
  - gj) riorganizimin dhe prishjen e shoqërisë;
  - h) miratimin e rregullave procedurale të mbledhjeve të asamblesë;
  - i) shpërndarjen e fitimeve
  - j) çështje të tjera të parashikuara nga ligji apo statuti.
- 12.4 Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë. Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.
- 12.5 Administratori i shoqërisë nuk mund të veprojë si përfaqësues i ortakeve në asamblenë e përgjithshme.

### Neni 13

#### Mënyra e thirrjes së mbledhjes së Asamblesë së Përgjithshme

- 13.1 Asambleja e përgjithshme thirret nëpërmjet një njoftimi me postës elektronike. Njoftimi me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakeve, jo më vonë se 7 ditë përpara datës së parashikuar për mbledhjen e asamblesë.
- 13.2 Kur asambleja e përgjithshme nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.

### Neni 14

## **Kuorumi**

- 14.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave.
- 14.2 Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit “ Per Tregtaret dhe Shoqerite Tregtare “, ajo mund të marrë vendime të vlefshme vetëm, nëse ortakët që zotërojnë më shumë se gjysmën e numrit total të votave, janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.
- 14.3 Nëse asambleja e përgjithshme nuk mund të mbledhet për shkak të mungesës së kuorunit të përmendur me lart, asambleja mbledhet përsëri jo më vonë se 30 ditë, me të njëjtin rend dite.

## **Neni 15**

### **Marrja e vendimeve**

- 15.1 Asambleja e përgjithshme vendos me tri të katërtat e votave të zoteruesve të kapitalit, të ortakëve pjesëmarrës, për ndryshimin e statutit, zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
- 15.2 Asambleja e përgjithshme vendos me shumicën e votave të ortakëve pjesëmarrës, për çështje të tjera si :
- a) përcaktimi i politikave tregtare të shoqërisë;
  - b) emërimin dhe shkarkimin e administratorëve;
  - c) emërimin e shkarkimin i likuiduesve dhe të ekspertëve kontabël të autorizuar;
  - ç) përcaktimin e shpërblimeve
  - d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
  - e) përfaqësimin e shoqërisë në gjykatë dhe në procedimet e tjera ndaj administratorëve;
  - f) miratimin e rregullave procedurale të mbledhjeve të asamblesë;
- 15.3 Çdo ndryshim statuti duhet të depozitohet pranë Q.K.B për të pasyqruar ndryshimet në skedën e Shoqërisë.

## **Neni 16**

### **Përfundimi nga e drejta e votës**

- 16.1 Ortaku nuk mund të ushtrojë të drejtën e votës nëse asambleja e përgjithshme merr vendim për:
- a) vlerësimin e veprimtarisë së tij;
  - b) shuarjen e ndonjë detyrimi në ngarkim të tij;
  - c) ngritjen e një padie ndaj tij nga shoqëria;
  - ç) dhënien ose jo të përfitimeve të reja.
- 16.2 Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

## Neni 17

### Administrimi

- 17.1 Asambleja e përgjithshme emëron një person fizik si administrator të Shoqërisë. Afati i emërimit, është 5 vjet, me të drejtë ripërtëritjeje. Emërimi i administratorit prodhon efekte pas regjistrimit në Qendrën Kombëtare të Biznesit.
- 17.2 Administratorët e një shoqërie tregtare mëmë, sipas përcaktimit të nenit 207 të këtij ligji, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
- 17.3 Personi i mëposhtëm caktohet si Administrator i parë i shoqërisë deri në emërimin e tij nga mbledhja e parë e Asamblesë së Përgjithshme:

- **Z. Ted Tase**, shtetas shqiptar, i lindur në Tiranë, Shqipëri, më 21 Shtator 1991, me numër ID 036351643

## Neni 18

### Kompetencat e Administratorit

- 18.1 Administratori kanë të drejtë e detyrohet të:
- a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - b) përfaqësojë shoqërinë tregtare;
  - c) kujdeset për mbajtjen e saktë e të rregullt të dokumenteve dhe të librave kontabël të shoqërisë;



- ç) përgatiti dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Biznesit;
- e) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- ë) kryejë detyra të tjera të përcaktuara në ligj dhe në statut.
- 18.2 Administratori është i detyruar të thërrasi Asamblenë e Përgjithshme, në rastet kur:
- sipas bilancit vjetor apo raporteve të ndërmjetme financiare, rezultojnë ose ekzistojnë rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
  - shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
  - shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezultojnë në pasqyrat e fundit financiare të certifikuara.
- 18.3 Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërbllimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

## Neni 19

### Përgjegjësitë e Administratorit

- 19.1 Administratori është përgjegjës individualisht, ndaj shoqërisë ose ndaj të tretëve, për shkelje të ligjeve, për shkelje të Statutit, apo për faje të kryera gjatë administrimit të shoqërisë.
- 19.2 Pasojat e marrëveshjeve të pamiratuara nga asambleja që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.
- 19.3 Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit "Per Tregtaret dhe Shoqëritë Tregtare", administratori detyrohet:



- a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimtarisë së shoqërisë në mjedis;
  - b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
  - c) të vlerësojë me përgjegjësi çështjet, për të cilat merret vendim;
  - ç) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;
  - d) të ushtrojë detyrat e tij me profesionalizmin dhe kujdesin e nevojshëm.
- 19.4 Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
- 19.5 Nëse administratori vepron në kundërshtim me detyrat dhe shkel standardet profesionale, sipas pikave 1 e 2 të këtij neni, është i detyruar t'i dëmshpërblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkuara. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.
- 19.6 Në mënyrë të veçantë, por pa u kufizuar në to, administratori është i detyruar t'i dëmshpërblejë shoqërisë dëmet e shkaktuara, nëse, në kundërshtim me dispozitat e ligjit "Për Tregtarët dhe Shoqëritë Tregtare", kryen veprimet e mëposhtme:
- a) u kthen ortakëve kontributet;
  - b) u paguan ortakëve interesa apo dividendë;
  - c) u shpërndan aktivet shoqërisë;
  - ç) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
  - d) jep kredi.
- 19.7 Përveç padisë për shlyerjen e dëmit që i ngarkohet personalisht administratorit, ortakët individualisht ose se bashku, kanë të drejtë të ngrenë padi penale kundër administratorit
- 19.8 Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme.
- 19.9 Asnjë vendim i asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.

#### KREU IV

## Viti financiar-ekspertet

### Neni 20

#### Viti Financiar

- 20.1 Viti financiar i Shoqërisë fillon më 1 Janar dhe përfundon më 31 Dhjetor. Përjashtimisht, viti i parë financiar fillon nga data e regjistrimit të shoqërisë në Qendrën Kombëtare të Biznesit dhe mbyllet më 31 Dhjetor.

### Neni 21

#### Ekspertët

- 21.1 Eksperti kontabël i autorizuar zgjidhet më vendim të Asamblesë së Përgjithshme. Eksperti ka për detyrë që të kontrollojë të gjithë dokumentacionin kontabël të veprimtarisë ekonomiko tregtare të shoqërisë, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e ortakëve.
- 21.2 Në përfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorezojë në kohë ortakeve për t'i shqyrtuar e miratuar mbi bazën e të drejtes vendimore që ka.

## KREU V

### Prishja –riorganizimi i shoqërisë

### Neni 22

#### Prishja dhe likuidimi

- 22.1 Shpërndarja ose prishja e shoqërisë mund të bëhet në çdo kohë:
- a) kur mbaron kohëzgjatja e parashikuar në themelimin e saj;
  - b) me vendim të Asamblesë së Ortakëve;
  - c) me hapjen e procedurave të falimentimit;
  - ç) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 “Për Qendrën Kombëtare të Biznesit”;
  - d) me vendim të gjykatës;

- 22.2 Në këtë rast Ortakët marrin vendim me shkrim në të cilin parashikojnë mënyrën e likuidimit të shoqërisë, duke caktuar 1 apo disa likuidatorë dhe shënuar në çdo dokument të nxjerre prej tij emrin e likuidatorit dhe emërtesën shtese “Shoqëri në likuidim e sipër”.

### Neni 23

#### Riorganizmi i shoqërisë bashkimi-ndarja

- 23.1 Shoqëria mund të ndahet, bashkohet sipas Vednimit të Mbledhjes së Përgjithshme të Asamblesë së Ortakëve, në përputhje me dispozitat ligjore të parashikuara në Pjesën IX të Ligjit 9901 datë 14.04.2012 “Për tregtarët dhe shoqëritë tregtare.”

### Neni 24

#### Mosmarrëveshjet

- 24.1 Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis Shoqërisë dhe të tretëve, do të jetë kompetente Gjykata Shqiptare.

## O R T A K Ë T

### E SHOQËRISE ME PËRGJEGJËSI TË KUFIZUAR

“X-Studio”

Gjergji Prendi

GJERGJI PRENDI

